

Promer Minister Henny Eman:

"Na 1994 Sr. Nelson Oduber no por a haya sosten di su partido pa ehecuta acuerdonan sera na Hulanda"

ORANJESTAD(AAN) -- Den e carta cu e partido MEP a manda como contesta pa Informador di gobierno. Henny Eman, e partido a uza e argumento cu segun nan AVP a nenga di traha cu MEP na 1994 ora nos pais tabata den crisis grandi. E tempo ey cu nos pais tabata tin mester di un gobierno pa saca Aruba for di e crisis gigantesco, e partido AVP lo a scohe pa bay eleccion envez di traha cu MEP. Pa e motibo aki avor MEP no kier traha cu AVP.

Riba e ponencia aki di MEP sr. Informador y Promer Minister Henny Eman a declara lo siguiente: "Mi kier rectifica e punto aki cu a wordo treci dilanti un par di biaha caba, cu no ta corecto. Especialmente pa esnan den e partido

MEP cu ta den e proceso di tuma decision. Nos a tende e argumento aki mas biaha y den e carta ta scirbi tambe, cu ta defacto un di e factornan importante pakico MEP kier cana e caminda cu nan a scohe. E ta un sorto di represaya. E ta parece un reaccion riba loke a sosode na 1993-94, comosifuera AVP no kier a traha cu MEP y pesey na e momentonan aki nan tin esey na curazon. Esaki no ta corecto. Absolutamente e no ta corecto."

1993-1994 Segun Henny Eman loke a pasa na 1993 ta diferente cu loke MEP ta bisa. Loke a socede ta esaki: "Na 1993 sr. Oduber y mi persona a tene reunionnan na Den Haag, Hulanda cu Minister Presi-



dent Lubbers y Minister Hirsh Balin. Ey nos a firma un protocol na October '93. E acuerdo tabata ensera cu sr. Oduber ta bin Aruba, ta pone un fin na su gobierno door di saca e dos partidonan chikito cu e tabata tin den gobierno y forma un go-

bierno cu AVP. Esey tabata e palabracion na October '93. Sr. Oduber a bin bek for di Hulanda, pero e no por a logra convence su partido pa termina e gobernacion y forma un coalicion cu AVP. Esey tabata October '93. E ora AVP a bisa cu si MEP no ta tene su mes na e acuerdo anto mester haci algo otro pa saca Aruba for di e crisis financiero, economico y social grandi cu e gobierno ey tabata tin nos aden. AVP a bay den un reunion cu tur su coordinadornan dia 17 di November na Cas di Cultura y e dia ey, 17 di November 1993 AVP a tuma e decision cu avor cu Oduber no a cumpli cu e acuerdo sera cu AVP, cu nos ta opta pa eleccion nobo."

CAIDA GABINETE ODUBER II

Gabinete Oduber II a continua goberna te na April 1994 ora cu e situacion a bira asina dificil na Aruba, cu 'problemanan pariba y pabao', cu Promer Minister Oduber a bay television pa

anuncia caida di su gobierno. Sr. Eman: "Ora e gobierno di MEP, PPA y AND a cay na April '94 y sr. Oduber a puntra nos pa forma un gobierno, nos tabata tin un decision tuma caba. Esta cu nos kier bay eleccion y no forma un gobierno. E situacion na April 1994 tabata incluso hopi mas pio ainda cu na October 1993. E situacion e tempo ey tabata totalmente diferente cu e situacion avor. E tempo ey tabata tin medida riba cabez di pueblo. Awe no! E tempo ey tabata tin un situacion financiero economico cu a pone e gobierno ey tuma medida. Awe no! E tempo ey tabata tin problemanan social manera falta di tereno y cas, stagnacion di entrada di nos trahadornan y di pensionadonan. Nos pueblo a keda atras den desaroyo di nos pais. Nos a cambia hopi di esakinan. Y mas ainda avor nos a caba di tene un eleccion den cua Pueblo a papia y nos mester traha cu e decision di pueblo. Mi ta kere cu mester rectifica e argumento incorrecto aki cu ta wordo uza como motibo pa awe no por traha AVP-MEP. Loke ta ovrde bisa no ta corecto y e no ta un argumento aceptabel den formacion di un gobierno pa futuro."

MALESA DI PROSTAT

DEN PROGRAMA

RADIAL AWE

ORANJESTAD(AAN): Awe merdia 12 or cu duracion di 2 ora na Top 95 lo ser presenta un programa encuan to nos salud, y e topico cu lo ser trata ta malesa di prostat.

Lo tin splicacion di e diferente desaroyonan di e malesa splica pa Dr. Fabio Moreta.

E programa ta ser dirigi pa Mr. nilo Croes. Ta trata crecimiento benigno di prostat, inflamacion di prostat y cancer di prostat cu ta e crecimiento maligno..

JANTJE KOMT MAAR BINNEN!!!



B.J. ARENDS & SONS INC

OFERTAZO DI DIASABRA

20% OFF - CASH

VALIDO SOLAMENTE PA JANUARI 31 - 98:

"OSTER" FOOD PROCESSOR
"SUNBEAM" MIXMASTER MIXER

BO ADRES PA SPAAR \$\$\$

ADJ. SWING ARM LIGHT
ROPE LIGHTS

BO ADRES PA SPAAR \$\$\$

DUTCH HALF DOORS
(SAYA & DJEKI)
BIFOLD DOORS

BO ADRES PA SPAAR \$\$\$

"SMART" KEROSENE (GAL.)

"USA" ACETONE (GAL.)

"ACE" OIL & LATEX PAINT (GAL.)

"ACE" VARNISH & WOOD STAIN (GAL.)

WELDED GALV. STEEL PIPES

BRENCHIE'S
O'STAD - DAKOTA - SAN NICOLAS

"#1 DEN PRIJS"